



Broj: 07-07-83-01/07
Mostar, 23.01.2007. godine

Na osnovu članova 14. i 15. Zakona o električnoj energiji („Službene novine FBiH“ br. 41/02, 24/05, 38/05), članova 12. stav (1) i 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine FBiH“ br. 13/04) i članova 31, 52. i 53. Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ br. 59/04), te članova 44. stav (1) tačka a), 45. i 50. stav (1) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br. 37/05) i članova 9, 52, 55. i 71. Pravilnika za tarifnu metodologiju i tarifne postupke („Službene novine FBiH“ broj 45/05), Regulatorna komisija za električnu energiju u Federaciji Bosne i Hercegovine – FERK je na II. redovnoj sjednici održanoj u Mostaru dana 23. januara 2007. godine, donijela

O D L U K U

o provođenju drugog tarifnog postupka

Član 1.

Utvrđuje se da je započeo drugi tarifni postupak po zahtjevima podnesenim od strane podnosioca zahtjeva Javnog poduzeća „Elektroprivreda Hrvatske zajednice Herceg Bosna“ dioničko društvo Mostar i to: po Zahtjevu za odobrenje tarifa za djelatnost proizvodnje električne energije br. 07-02-979/21/06, po Zahtjevu za odobrenje tarifa za djelatnost distribucije električne energije br. 07-02-980/22/06 i po Zahtjevu za odobrenje tarifa za djelatnost snabdijevanja električnom energijom br. 07-02-981/23/06, svi podneseni dana 14.11.2006. godine.

Član 2.

Ovom odlukom utvrđuje se da su započeli postupci formalnih rasprava u drugom tarifnom postupku po zahtjevima iz člana 1. ove odluke.

Član 3.

FERK planira postupke formalnih rasprava provesti najkasnije do 20.04.2007. godine, prema planu aktivnosti na provođenju postupaka formalnih rasprava iz člana 4. ove odluke, vodeći računa o rokovima za donošenje konačnih odluka o određivanju tarifa u drugom tarifnom postupku.



Član 4.

Formalne rasprave u drugom tarifnom postupku pokrenutom po zahtjevima iz člana 1. ove odluke, te formalna rasprava o prijedlogu tarifnih stavova podnosioca zahtjeva, koje je isti dostavio uz zahtjeve iz člana 1. ove odluke, planiraju se održati u prostorijama FERK-a, na adresi Blajburških žrtava br. 33, Mostar, prema sljedećem rasporedu:

Predmet formalne rasprave	Datum i vrijeme formalne rasprave
Proizvodnja električne energije	28.02.2007. u 9,00 sati
	02.03.2007. u 9,00 sati
Distribucije električne energije	05.03.2007. u 9,00 sati
	06.03.2007. u 9,00 sati
Snabdijevanje električnom energijom	07.03.2007. u 9,00 sati
	09.03.2007. u 9,00 sati
Tarifni stavovi	03.04.2007. u 9,00 sati

Prije održavanja formalnih rasprava iz stava (1) ovog člana, održat će se pripreme rasprave radi odlučivanja o rasporedu radnji i drugim proceduralnim pitanjima kojima se upravlja tokom postupka.

Član 5.

Formalne rasprave iz člana 4. ove odluke su otvorene za javnost, ali u istim mogu učestvovati zaposlenici FERK-a, podnosilac zahtjeva i umješaci.

Član 6.

Obavještenje za javnost o podnesenim zahtjevima iz člana 1. ove odluke i mjestu i vremenu održavanja formalnih rasprava iz člana 4. ove odluke objavit će se u „Dnevnom listu“, „Dnevnom avazu“ i na web stranici FERK-a, na dan 24.01.2007. godine, i ista će sadržavati informaciju da na formalnim raspravama mogu učestvovati zaposlenici FERK-a, podnosilac zahtjeva i umješaci.

U obavještenju se navodi da umješac zahtjev za sticanje statusa umješaca u postupku formalne rasprave po Zahtjevu za odobrenje tarifa za djelatnost proizvodnje električne energije br. 07-02-979/21/06 i/ili Zahtjevu za odobrenje tarifa za djelatnost distribucije električne energije br. 07-02-980/22/06 i/ili Zahtjevu za odobrenje tarifa



za djelatnost snabdijevanja električnom energijom br. 07-02-981/23/06 i/ili po prijedlogu tarifnih stavova podnosioca zahtjeva podnosi do 31.01.2007. godine do 12 sati, koji je i rok do kada druga zainteresovana lica mogu podnijeti pisane komentare na podnesene zahtjeve.

Obavještenje iz stava (1) ovog člana je sastavni dio ove odluke.

Član 7.

Status umješača u formalnoj raspravi može steći pravno ili fizičko lice pod uslovom da blagovremeno podnese zahtjev za sticanje statusa umješača, i da ispunjava sljedeće kriterije:

- da ima direktan interes u postupku po zahtjevu za odobrenje tarifa ili po prijedlogu tarifnih stavova u vezi kojeg podnosi zahtjev za sticanje statusa umješača, a koji je različit od općeg javnog interesa i
- da raspolože podacima i činjenicama od značaja za formalnu raspravu u drugom tarifnom postupku koji se vodi pred FERK-om.

Član 8.

Ova odluka stupa na snagu danom donošenja, te se objavljuje na web stranici i oglasnoj tabli FERK-a, kao i u «Službenim novinama FBiH».

O b r a z l o ž e n j e

U skladu sa članom 52. stav (1) Pravilnika za tarifnu metodologiju i tarifne postupke FERK-a, FERK je 14.11.2006. godine, primio od JP „Elektroprivreda HZ HB“ d.d. Mostar, Zahtjev za odobrenje tarifa za djelatnost proizvodnje električne energije upisan pod brojem 07-02-979/21/06, Zahtjev za odobrenje tarifa za djelatnost distribucije električne energije upisan pod brojem 07-02-980/22/06 i Zahtjev za odobrenje tarifa za djelatnosti snabdijevanja električnom energijom upisan pod brojem 07-02-981/23/06. U cilju dopune navedenih zahtjeva, podnosilac zahtjeva je FERK-u dostavio Dopune Zahtjeva za odobrenje tarifa za djelatnost proizvodnje električne energije dana 20.11.2006. godine primljene pod brojem 07-02-979-01/21/06, dana 21.11.2006 godine primljene pod brojem 07-02-979-02/21/06, dana 04.12.2006 godine primljene pod brojem 07-02-979-03/21/06, zatim Dopune Zahtjeva za odobrenje tarifa za djelatnost distribucije električne energije dana 20.11.2006.godine primljene pod brojem 07-02-980-01/22/06, dana 04.12.2006. godine primljene pod brojem 07-02-980-02/22/06, te Dopune Zahtjeva za odobrenje tarifa za djelatnost snabdijevanja električnom energijom, dana 20.11.2006. godine primljene pod brojem 07-02-981-01/23/06, dana 04.12.2006. godine primljene pod brojem 07-02-981-02/23/06. Prilikom pregleda kompletnosti primljenih zahtjeva utvrđeno je da isti ne sadrže sve potrebne podatke i dokumente propisane Pravilnikom za tarifnu metodologiju i tarifne postupke.



Na osnovu prednjeg, FERK je podnosiocu zahtjeva uputio Obavještenje o nedostacima podnesenih Zahtjeva za odobrenje tarifa u djelatnostima proizvodnje, distribucije i snabdijevanja električnom energijom br. 07-02-979-04/21/06, 07-02-980-03/22/06 i 07-02-981-03/23/06 od 14.12.2006. godine, kojima je tražio od podnosioca zahtjeva da zahtjeve dopuni potrebnim podacima i dokumentima.

Povodom navedenog Obavještenja o nedostacima podnesenih zahtjeva, FERK je od podnosioca zahtjeva dana 22.12.2006. godine primio pod brojevima 07-02-979-05/21/06, 07-02-980-04/22/06 i 07-02-981-04/23/06 dio tražene dokumentacije i podataka. Podnosilac zahtjeva je dio tražene dokumentacije i podataka dostavio i naknadno uz Dopis primljen pod brojem 07-02-979-06/21/06 od 29.12.2006. godine, te Dopis primljen pod brojevima 07-02-979-07/21/06, 07-02-980-05/22/06 i 07-02-981-05/23/06 od 09.01.2007. godine. U Dopisu od 09.01.2007. godine, podnosilac zahtjeva je dostavio FERK-u prijedlog Tarifnih stavova za prodaju električne energije tarifnim kupcima. Podnosilac zahtjeva je FERK-u dostavio 22.01.2007. godine Dopis primljen pod brojem 07-02-981-06/23/06, kojim je nadopunio Zahtjev za odobrenje tarife za djelatnost snabdijevanja električnom energijom upisanog pod brojem 07-02-981/23/06.

U skladu sa članom 9. i 71. Pravilnika za tarifnu metodologiju i tarifne postupke, FERK će započeti drugi tarifni postupak na osnovu podataka koje je dostavio podnosilac zahtjeva, a na dostavljanju sve tražene a nedostajuće dokumentacije, podataka i informacija, FERK će insistirati tokom tarifnog postupka, te može zahtjevati od podnosioca zahtjeva dostavljanje procjene istih, s tim da FERK zadržava i pravo vlastite procjene istih, a sve u skladu sa Pravilnikom za tarifnu metodologiju i tarifne postupke.

Član 45. Pravilnika o javnim raspravama i rješavanju zahtjeva i žalbi FERK-a propisuje obavezu obavješćavanja javnosti o podnesenim zahtjevima za odobrenje tarifa i o datumu održavanju formalnih rasprava, kao i sadržaj obavješćenja za javnost.

Članom 50. stavak 1. Pravilnika o javnim raspravama i rješavanju zahtjeva i žalbi FERK-a, određeno je da nakon početka postupka formalne rasprave FERK zakazuje formalnu raspravu radi utvrđivanja činjenica.

Na osnovu prednjeg odlučeno je kao u dispozitivu odluke.

PREDSJEDNIK FERK-a
Zdenko Šimunović s.r.